

職方典第一千三百八十五卷

羅定州部彙考一

羅定州建置沿革考

州縣志合載

本州

舊瀧水縣按明一統志春秋爲百粵地秦併百粵爲南海郡地領縣十八其屬有開陽縣卽今開陽鄉是也漢元鼎六年伏波將軍平南越分越地爲七郡曰南海蒼梧鬱林合浦交趾九真日南其時隸治屬蒼梧三國吳黃武五年割交州蒼梧屬廣州領縣設官仍漢晉穆帝五年分蒼梧地立晉康郡領縣十四今之德慶是其屬仍隸蒼梧尋分端溪地置龍鄉縣卽瀧水舊名今治縣制始於此未幾尋改平原縣置平原郡以統之屬廣州南宋南齊仍之梁天監五年秋七月分廣州置桂州廣分東西實始於此六年兼置瀧州廢平原郡析平原縣爲瀧水開陽正義而隸於瀧州隋文帝開皇七年設端州信安郡併設瀧州以瀧水縣隸之其瀧水開陽正義俱仍梁設大業六年春二月廢瀧州爲永熙郡併開陽正義入瀧水唐高祖武德四年改永熙

郡爲寶州分瀧水地置正義懷德爲三縣以隸之尋併正義於懷德太宗元年又併懷德入瀧水瀧水卽今治隸寶州六年改寶州爲南建州仍統二縣八年改南建州爲藥州俱轄瀧水十八年廢藥州復瀧州以安南永寧屬瀧州元宗天寶元年改瀧州爲開陽郡肅宗乾元元年改開陽郡爲瀧州五代仍唐制宋太祖開寶五年設康州隸於廣南東路廢瀧州而以瀧水縣隸康州紹興元年廢廣南東路陞康州爲德慶府七年以瀧水隸德慶府十四年勅德慶府爲永慶軍節度使元世祖至元十三年改廣南東路爲廣西道改永慶軍節度使爲德慶路總管府瀧水仍舊屬至元二十九年改廣西道轉隸廣東道改德慶等州爲路明洪武元年改德慶路爲德慶府轄瀧水洪武九年改德慶府爲德慶州統於肇慶府萬曆五年征平徭獞乃陞縣爲州曰羅定直隸布政司割德慶州晉康都高要縣楊柳都騎思勞思辨四都芙蓉一圖芙蓉二圖并瀧水所屬設東安縣南鄉富霖二所又割德慶州都城鄉封川縣都洛鄉并瀧水所屬設西寧縣及函口封門二所

東安縣

本唐宋都邑開陽正誼潛藩境土元季州人李質守德慶封川二郡明洪武九年質歸附改路
爲府後革府爲州蓋瀧水隸焉卽羅旁也其地萬山層疊箐林重密而中多沃壤正統間猺賊
蟠據爲窠穴流浪亡命又從而羽翼之剽劫四出州里幾虛萬曆四年總督凌雲翼再疏請題
大征旣得旨徵兵遴帥合兩廣十萬之師十道並進直搗其穴而咸劉之椎破諸峒五百六十
有四俘斬四萬三千有奇地方底寧田土悉復已條約善後陞瀧水爲羅定州直隸布政司設
兵備道駐劄州城爲之彈壓東西二山各置一縣二所東山城麒麟石城成定縣名爲東安割
符設官召民承田立籍合德慶州高要新興二縣割附田糧及恢復田地陞科共編戶十六里
以南鄉富霖二所隸焉

西寧縣

古百粵地至秦始皇通而尉佗王者五世漢元鼎中南粵平立南海等郡屬交州治蒼梧建安中
徙治南海羅旁隸德慶卽南海郡地元末土人李質守德慶路明洪武元年李質歸附改路爲
府九年改府爲州瀧水其屬縣羅旁隸焉羅旁踞南山海間東西二山相距諸猺盤窟其中

自開闢以來未有闢其藩者明初甫能定之率用羈縻彈壓迄不能蕩平嘉靖末諸獠與浪賊雄踞兩山轉相寇掠萬曆三年總督殷正茂始請大征會入爲大司農凌雲翼繼之乃部署十道師八路并進克木轅山椎破諸巖峒五百六十有四俘斬若干拓地數百里乃改升瀧水縣爲羅定州設兵備道駐州分置東西兩縣各設兵將駐防西爲西寧縣治召民承田立籍合德慶信宜割附田糧及恢復陞科田地共編戶二十里後增立興寧都一里共二十一里

羅定州疆域圖

陽春縣界

封川縣界

廣西岑溪縣界



高州府茂名縣界

古今圖書集成

州疆域圖 疆域考之一

羅定州疆域考

州志

本州

東至陽春縣雲浮界一百五十里

西至廣西岑溪縣都扶山界二百里

南至高州府

茂名縣六濠馬櫃山界三百里

北至封川縣都洛界二百里

東北至高要縣四百里

西北至封川縣三百二十里

西南至高州府信宜縣界四里

東南至陽春縣鷄骨嶺

三百五十里 至

京師七千八百六十里

東西廣三百五十里南北袤三百三十里

東安縣

東至高要縣羅鼓村六十里

東南至新興縣古猿逕六十里

東北至德慶州北岸地

界六十里

西至羅定州范包營一百二十里

西北至西寧縣連灘巡司河界一百三

十里

西南至陽春縣地方青山村界一百八十里

南至新興區村界一百二十里

北至德慶州地方五十里 至

京師七千五百五十里

東西廣三百二十里南北袤二百二十里

西寧縣

東至東安縣南江口北岸界六十里

西至廣西蒼梧縣界一百二十里岑溪縣界二百里

南至羅定州界一百六十里

北至德慶州北岸界三十里

續奉文改闢新路自舊封

門起經夜護函口抵懷鄉巡司止百八十餘里

又自縣治起經下城峒迨遙抵連灘止一

百餘里自縣治陸路十五里至羅旁順江流東下二百四十里達肇慶府又二百六十里達省

會

東西廣一百二十里南北袤五百五十里

形勝附

本州

州治包羅萬山宅幽負險天馬屹於前龍腦伏於後鳳凰西苞龍龜東秀蓋大江之南山長谷深灘高水峻羅定爲最焉

東安縣

縣治當新興陽春高要德慶之間據嶺海上游南瀛新興北枕羅定東襟長江之勝西扼天堂之衝語形勝者當不讓他邦

西寧縣

縣治峯巒環護前聳筆架後屏玉枕東有文德西有武功二山對峙又有兩水夾流以達大江華表砥柱以捍水口雖融結小巧而形勝亦可觀焉

羅定州星野考

州志

州總

禹貢揚州之南境實兼荊州諸家分野之說或屬斗牛女按班固志牛屬吳牽牛婺女屬越春秋元命苞牽牛流爲揚州分爲越國帝王世紀斗十一度至婺七度日星紀之次於辰爲丑於律爲黃鍾周禮鄭元志星紀吳越也蔡邕云星紀斗六度終婺女二度大雪冬至居之越分也星經牽牛六星次三星主南越又云熒惑主衡山荆揚交州史記粵地牽牛婺女在今之蒼梧廣雅徐揚屬權宋志三台六星近文昌三星曰上台爲司命下一星主荆揚明一統輿圖志蒼

梧地域屬荆天文次牛女羅舊屬蒼梧地以仰儀法推之則星紀北懸之而吳越南應之其光所燭處是爲星紀則於辰爲丑於律爲黃鍾於五星爲熒惑於北斗爲權於三台爲司命下星明矣占候星尙有考焉

羅定府山川考

州志

本州

雙龍山在州南十里四都雙龍村週五十里高一丈有奇兩岡對峙狀若雙龍上有三石如笏石傍有泉 天馬山在州西南二十里 石牛山與天馬相對石狀如牛相傳昔有僊人

曾於山上奕碁今仙跡隱隱尙存上有一廟神甚靈凡遇歲旱官吏虔誠率紳衿里老登山拜禱時雨立降此事每經應驗其廟年久荒蕪康熙元年鄉民重修 龍腦山在州北十里勢

盤旋若迴龍乃本州之護龍也

鳳凰山在府治西四山特出狀若飛翔

徑山在州南

六十里逕口村羣峯並列橫互州治之南中有一逕通開陽順仁二鄉故名

石嶺山在州

治東南開陽鄉其山皆石高峻莫匹一望數百里爲衆山之祖山腰有池廣四畝許水極清潔

深不可測 石人山在州南八十里平岡漫坡上有二石儼若人形 思駕山在州東南

七十里跨官陂浪溝諸山產竹木藤漆諸貨 花樓頂山在思駕山南 雲霧山在州西

南一百二十里二都鄉週一百里高二百餘丈爲諸山最四時常有雲滃其上下有泉名雲沙 雙輪山在順仁鄉兩山對峙若車輪 龍龜巖在州東北五十餘里五都地方危壁

秀麗中有岩闊二丈餘深二丈高半之石上有龍印三寶諸佛三十像有石筭百餘龍文二條唐武德中永寧縣令陳普先刻石雲龍入海蛻骨巖中因得龍骨故曰龍龜冠軍大將軍陳集原有龍龜道場銘中書令張柬之有石刻詩 洞清巖在九都湖埇口距州五十餘里巖深

數十丈闊一十餘丈中有一石塔層紋斑駁頂上有石下懸酷肖大士像相對又有肖韋馱像兩傍之石多肖佛形壁間石蕊蒼古潤澤溫其如玉可玩可愛真令遊觀者心曠神怡右傍有一小徑曲窪通幽遊者用火引入曲轉一曲徑通一徑每行數丈又有一石孔流光開豁石皆

如虎跑龍飛鳳儀獸舞狀進一洞有一洞之景入一層有一層之趣竟日而遊無所底極相傳

昔劉三姑曾在巖頂唱新興調數日和者攀躋無從姑教取梯由中孔乘上迫人上姑去止見

巖頂石面有二石一肖麻籃一肖水碗至今雖旱月碗常有水食之清涼可掬巖旁有石窟數處形如田坵歲中常產不稼之禾傳者謂三姑跡云羅陽勝景於此稱最矣 寶峯巖在二

都惠照村深六丈闊二丈高一丈有乳滴成布袋和尙像後人又置佛像其間每遇旱鄉人禱

雨輒應

石龍巖在羅鏡所教場前其巖內石而外土巖口大二丈許秀麗巉巖深不可測

巖前有一河隔河十里許又有一岩曰龍岩其石龍岩之穴徑在河底通過從龍巖出焉昔有遊人持火窮探其穴自辰至酉乃於龍巖出焉時傳其事人以爲駭此後遊人適興便止並未
有窮探者康熙丙午春州二史張公文產以奉委省耕至羅鏡紳衿程子龍黎光曦張最熺譚
璠張最煌等偕往遊賞詢其深廣方人乃述其事以對 企陽石巉巖聳秀遙望如文筆近

觀若玉屏一州之佳境也

鵝抱石去州三十里高七十餘丈狀如鵝昔傳有僊人籠一鵝

求宿媼家有說客善鷄鳴者客聞遽擔鵝去擔折遂坐於石忽不見鵝化爲石迄今石上腳迹
宛然 浮沉石在羅旁水口昔傳有鼎石在江中隨波出沒卽赤松子煉丹之處其側舊有

赤松子祠

華表石在羅旁水口對面望之如僧首俗呼和尚石按洪邁夷堅志漢陸賈使

南粵泛舟至此默禱曰我說粵肯稱臣當以錦裹石爲山靈報使還遂募人植花卉以代錦改
名錦石舊有陸賈祠猶熾時咸祀此石以祈福大征鑿削其頂刻華表石三字於上砥柱江流
堪輿家每以爲奇若猶逆不順神豈福之今爲縣治當壯屬內西寧一屏障也宋乾道間梁竑
入都艤舟錦石山下夜夢一客自稱陸大夫云我鬱抑於此千餘歲矣君幸見留一詩竑詰旦
題詩廟壁而去 石鏡嶺八片岩泉上有一圓石大三尺許中有小水流石面過夏秋間日
射其石水逼日光遠望圓光閃爍酷肖菱花故名明進士譚壽海有石鏡賦 南嶺在逕口
下十里許 尖岡在四都有巨石曰防虞石崔嵬險固可容數百人居民遇警登石避之

東水源自埔沉南山思賀三處至開陽東流合瀧

瀧喉水在州西南八十里源出雲卓諸

山會松抱新容諸水過州城北東下至大灣木栗會東水入於江石峻水陡故謂之瀧縣之得
名以此 雲霧水出雲霧山委流經雲卓倒出歷新村合抱水入於江 抱水在州南一

百五十里源出大水山西流十餘里經抱峒村合順仁水入於瀧

素龍水有二源東源出

尖岡羅村山西源出石牛山二水合於素龍至譚舍合大水

坎底水源出自天荒山流七

十里經雲致峒入於瀧

鷄冠灣在州西六十里兩岸多雞冠木水勢湍迴魚多聚此

神灘灣在州南有祠

大灣去州三十里在大灣村

南江水源出大水山經州北流二

百餘里入於江

八片巖泉在州南二十里八片嶺

連洲河在西四十里許近雲致山

有寨名連洲前有小河一灣十丈許沙中常產碎金貧人淘之每日可得數釐僅足償一日之工不可多得間或一日有得數分者則其人積至數日淘之竟不再得必遲久乃獲其無過得者日淘仍足以償工聞順治間雲致諸賊用猪羊以祭盡河而淘毫不可得見天地間生材有數不可過求無容貪取 燈盞池在開陽獨石山傍廣畝許其水常滿冬夏不涸相傳有神人常居於此以獨石峰爲燭以此池爲盞故名之 溫泉在州南二都順仁鄉近雲霧山闊

二尺許長三尺許水性常溫冬夏可浴

熱水池在平寶白龍堡柏木枰屬西寧五都一甲

地方長闊丈許水性常熱中如鼎沸人不敢探

道前井在城內道衙之右

古井在西

門內

牛角井在南門關帝廟後城邊

雙龍井在開元寺前

醴泉井在社稷壇右

其源自河浸入

樹化井在平南市

大江井在大江邊

大陂井在州南二十里泉

冽而甘冬不竭相傳張進士學道歸至此忽渴以傘柄鑽地取水遂成井今井中之水常溢過井數分

東安縣

笏山在縣北一里許高二十餘丈方正尖秀如笏又如珠冠之形 玉屏山一名芙蓉屏在

縣西二里自乾山而下列於大麓方正如屏峭插霄漢其上積翠盤鬱層壘一似蓮瓣卽有巧畫不能設色旁有數峯或如銳筆或如奇獸皆天然點綴者也 南山縣之拱山距城十里

青旗山在縣東六十里開展若旗 大臺山在縣東北二十里進五里有鐵山產鐵磚先年

爐商煽鐵於此計爐權餉其鐵礦剖之皆有竹幹樹葉之形亦一異事 大紺山在縣西北

十五里高七百餘丈周一百餘里常有雲霞罩覆其半世傳神僊於此煉丹樵採深入者或見

池邊茅屋碧桃垂實宛然人居倏忽不知所在上產金橘籬筍山之西有水名龍頭灣遇旱祈

雨輒應 聖山在楊柳都高千仞周八十餘里崇岡疊嶽巍然矗天中有流泉傍建神祠考

古志云神姓司馬或稱孔氏歲大旱禱未應鄉人詣其祠拆去數瓦以竹引泉過祠下雨輒至

因以聖名 書山在縣東都騎都距城六十里高于仞周五十里一峰特起衆峰羅列鄉人

葉穆創書齋肄業於其上其子諷以特奏知韶州孫挺臣以正奏通判廉州官至光祿大夫累世仕宦因名 雲扶山距縣一百餘里近富霖高約四百餘丈周百餘里綿亘叢菁勢甚峻

峻 寶峰山在芙蓉都五十里高八十餘仞週三十里峰巒秀麗上有寶峯寺今廢 文

昌山在東郊三里許上建閣祀梓潼之神山因以名爲邑治文明鎮星每歲立春前一日知縣率寮屬迎土牛於此坊廂里民裝演綵樓春色土女擁觀頗稱殷盛 伏犀山在縣西一里

許山左有尖峯突起自縣北望之儼如幕下貴人 雲霧山在縣西南五十餘里富霖鐵場

之間高可千仞周六十餘里四時雲霧不散上有猿蠻聚落故地柱礎尙存進勦時多戮羣蠻於此至今登者拾有遺物往往昏迷不知所出云 崖牢山在芙蓉都形勢岌嶭起伏上有

飛崖若將崩裂欲墜不墜有求福寺今廢 鐵嶺山在芙蓉都高七十餘仞週四十里勢盤

鬱上有石壁色如鐵故名 天柱峰在縣城後突起平田中插出漢表高可千尋尖峯秀特

屹立如柱爲縣後主星有居民卜築其下環引清泉藝植花果修篁古木綠繞煙嵐珍鳥獼猴

飛走巖壑具足幽棲之致

麒麟石一名錦鯉峰在縣東頭角鱗鬣趾足俱備蹲踞平地之

上其焰插天上盤危磴緣登絕頂下環清沼掩映疎林諸生徐大壯構亭築室讀書於此過客訪之遊燕竟日後數易主改建爲歸一庵舊志稱峰勢近拱學宮奇特異常當有賢才輩出之應今邑人士就石平臺建閣祠文昌之神歲時會祀蓋取兆云 大牛石與伏犀山斜峙相

望隔半里許峭壁如峭平面白色又呼爲白面石中有巖窾呼之響答如人應聲移時乃絕

白雲峒距縣三十里峒有懸石若柱中多勝槩 天馬山在縣城南二里許連峰排湧疊秀

青蒼如羣馬騰驤奔躍於前爲邑治屏拱洵形勝大觀也 九星巖在城東北隅距天桂峰

數武羣峯林立勢如排雲獨西南一峯圓頂巍聳石室穹窿高八九丈寬可容數十坐一石有窾吹之聲震山谷相傳猿蠻吹以號衆者今呼爲石角巖石壁間多有題詠左偏石門旁刻元祐二年張詡過此數字知此地名勝探奇遊不自今日始也循石門入深黝幽邃蛇行而出洞口敞朗有石狀若觀音又名觀音洞其間石乳成形或如羅漢犀象之類不可勝紀舊有僧舍規制狹小康熙三年知縣呂肅捐俸創建門廊廳室巖前列沼建亭一座名曰又愛亭環植荷